

Meghalaya Health Systems Strengthening Project

Environmental and Social Management Framework

Talatani

A·doko sana banani cholrangko mangrakbatatna gita World Bank Meghalaya Sorkarina dakchakaniko on·a chanchisamsoenga. Ia miksongenggipa project Meghalaya A·dokna bilongen dakchakbeani ong·gen jechin mongsonggipa bakrangara sanchakani biapo bi·sa man·atani aro nambate sana banani cholrangko on·ani aro A·dokni a·ja dam chi·gni hospitalrangko, ge 23 CHC rangko aro ge 70 PHC rangko namdapatani ong·a. MHIS jekon A·dokni 56 percent nokdangrang jakkalengachim ukoba mangrakbatatgen. Ia project sana bananiko on·gipa manderangna mongsongbate primary aro secondary gadangrango kam ka·giparangnaba uamangni changa sapaniko baridapate dakchakaniko on·gen. Sana banani gadango tangka paisa jakkalanichi nambate sana banani cholrangko on·a man·an baksanaba gipinrang baksa bakrime kam ka·aniko, technology aro bang·bata bakrangon namdaproroatna man·gen. Songni gadango kam ka·ani jeon bi·sani an·seng baljoke dal·anina miksonge re·mikkangani dongachim uno ma·giparangni be·enna namgnigipa cha·ani·ringani aro an·seng baljokanikoba man·chapa. Iachin ma·ana aro bi·sana bilongen dakchakbeaniko on·gen.

Iako a·bachengatenggipa agency·ara Meghalaya Sorkarini Department of Health & Family Welfare (DOHFW) ong·a. Ia project development objective (PDO) ara “nambate kam ka·ani, namgipa gadangni cholrangko on·ani aro indaken sana banani cholrangko Meghalaya A·doko chu·gimik jakkalani ong·a”. Ia project·o ka·mao on·gipa bakrang gnanng:

Bak 1: Internal performance agreement·rangni gita nambate kam ka·anichi aro sana banani cholrangko on·aniko mangrakbatatanichi sana bananiko on·ani bewalko dingtangtani. Ia bako internal performance agreement (IPA) tool jekai performance based contracts aro result based financing (RBF) ko jakkale nambata cholrangko on·a man·a gita chalaiani, nirokani aro nambate kam ka·aniko miksonga. Iarangan IPA·rangko DoHFW aro a·bachengatenggipa institution·rangni gisepo a·bachengatenba nambatgipa sorkari, aro nambata nirokaniko on·a man·gen jechin nambata gadango cholrangko on·ani aro jakkalaniko nikna man·gen.

Bak 2: Namgipa sana banani cholrangko on·aniko mangrakkame rakkiani. Ia bako baseman·gimin sanchakani biapna quality certification on·aniko miksonga aro namgipa sana banani cholrangna dingtang dingtang nanggipa bakrangko mangrakbatatani ong·a.

Bak 3: Namgipa sana banani cholrangko sokatani aro jakkalani. Ian Megha Health Insurance Scheme (MHIS) aro songni gadango an·seng baljokani bidingo kam ka·aniko sokatna aro mangrakbatatani ong·a.

Bak 4: Nanggitika aro rang·gitik somoio kam ka·ani bak. Nangani kri, nanggitika somoio ba rang·gitik a·sel sokani somoirango dakna nanggnirangna donsamsyani aro tarisamsyani.

Ia project dingtang dingtang bakrangna tangka paisani gita dakchakaniko on·gen. Ia miksonggipa project·o kam ka·anirangchi an·seng baljokani aro sana banani cholrangko on·aniko A·doko namdaproroatgen. Songadamrang aro sokna altugijagipa biaprangona nambata sana banani aro an·seng baljokani cholrangko sokatna gita songni gadango kam ka·ani aro public·private partnership·ni kamrangko a·bachengatgen. Ia project·o iarangna dakchakaniko on·gen (a) District hospitalrango, CHC aro PHC·ni gadango taridapani ba dal·dapatani kamrangna; (b) private sector partnership·rang, technology solution, aro nambata sana banani aro an·seng baljokani cholrangko on·a man·a gita health sector·o kam ka·giparangni kam ka·ani bewalrangko namdapatna. Health and Wellness Centre (HWC)·o pangchake kam ka·ani aro cholrangko namdapataniichi songni gadango kam ka·anirangna ia project dakchakaniko on·gen. Meghalaya·o chu·gimik health sector·ko mangrakatani kamo iarangkoba man·chapgen (a) chalaiani kamrangko mangrakatani unbaksanaba chanchisamsyani, nirokani aro technical bakrangon neng·nikanirang gnanngani bidingo A·dok aro a·jani gadangni administrator·rangna technical

support aro training-ko on·ani; (b) nambatako on·a man·a gita HCF-ni gadango performance based contracting aro result based financing, techno-managerial ni bidingo hospital aro facility staff-ni changa sapaniko bariatna nanganiko chanchiani; aro (c) Sorkarini aro private sanchakani biaprangoni galgipa jabolrangko nambata bewalo galna chanchisamsoanirangna dakchakaniko on·ani.

Ia project bang·bata HCF-rangko mangrakbatatna miksongani gimin aro da·ororo Covid19 sabisi sokani obosta ong·ani gimin, subproject-rangni bidingo dingtangmancha biap aro talate on·ani dongkuja, unigimin ma·sisamsoe dongipa a·selrang aro uarangni nangchakanirangna Environment and Social Management Framework (ESMF) ko tariaha. Environment and Social Commitment Plan (ESCP) aro Stakeholder Engagement Plan (SEP) ko tariman·aha aro iako ra·chakenba DOHFW ni website-o aro World Bank-ni external website-o donatgen. Covid19 sabisi sokani a·selo re·a·doanirango champenganirang aro saksa sakgipinoni chel·tanggrike dongna nangani bewalrangko ja·rikna nanganio, bang·gija field visit-rangko dakna man·gen aro bang·bata consultation-rangkon virtual gitasa ka·a. Consultation-rango an·seng baljokani cholrangko on·ani aro biomedical waste management (BMWM) o dakna nanggnirangko, aro an·seng baljokani aro sana banani cholrangko nambatatna songsalni dakna nanggnirangko man·chapa. Ia project ko a·bachengatani somoio apalbee stakeholder consultation-rangko dakanio ESMF, SEP aro ESCP-ko nangani kri update ka·na nanggen.

Ma·sigimin songsalna aro wilwilao donggipana a·sel sokgni aro nangchakeanirango pangchakenba, ia project-ni E&S a·sel sokgniko “Nama chacha” ine dona. Songsalni neng·nikanirang aro a·sel sokgnirangni mongsonggipa bakrangara manderangko watchangani aro cholrangko sokatgijani ong·a; daka·rikani kamrangko kamtangna aro be·enni an·seng baljokanina kenchakna nangani – obosta bang·jagenchim ong·oba badiaba badiaba biaprangoni; aro namgija obostaoniko namatpilna man·gipa cholrangni bilgriani ba donggijani a·selo ong·a. Ia project-o maming dakeba a·a ra·ani ba biapo drae dongdraaniko miksongja maina iano mongsonggipa kamrangara pangchake kam ka·aniko ba sanchakani biaprangko taridapani, baridapatani aro namdapatnisan ong·aia. Ia kengnirangko komiatna gita, ge·prak subproject-kon songsalna neng·nikanirangko ra·baama ra·bajawama aro unbaksanaba sanchakani biaprangoni ba a·ao skatang songdongegiparang dongama dongja ukoba che·em che·em nianiko dakgen. Songsalna mingsa neng·nikanirangko ra·bagipara ba a·sel sokgni obostara ia project-ni gita anseng baljokani aro sana banani cholrangko nambate on·anichi sanchakani biapangi ong·katgipa jabolrangoni ong·gen. Ian da·ororo A·doko bio-medical waste management (BMWM) ko dakani bewalrangni a·selo sokgni obostarangko baridapata. Indiba ia project-ni gita chu·gimik bio-medical waste management-ni bako jekai sogipa aro sogijagipa jabolrangko dingtange donani, samrangko sate jo·ongrangko chi·na ong·gijani, jabolrangko chimongani aro ong·a bewalo jabolrangko galaniko namdapatna miksonga jechin wilwilao donggipa sam bol chiringna maming dakeba nosto ong·ani sokbajawa aro an·seng baljokani cholrangko on·aniko namdapatgen aro sanenggipa mandenaba chel·chakaniko ong·gen. BMWM-ko ong·a bewalo ong·atna man·a gita Waste Characterization ni bidingo poraiani aro sandianiko DoHFW ia projectni a·bachengani jadokni gisepo A·dokni pilak sanchakani biaprangnan dakgen. BMW-ni baririkrikanide sanna re·bagipa manderango pangchakani gimin aro ian dingtang dingtang bakrangoba pangchakeani gimin jekai HCF-rangko dal·roroatani, HCF staff-ni changa sapaniko aro kam ka·aniko baririkrikatani aro songni manderango nanggrimatna SBCC-ko nangani gimin, iako project-ni a·bachengani skanggipa bilsni gnioode ong·na ka·dongja. HCF-ni pangchake kam ka·aniko namdapatnisan baksanaba, BMWM-na pangchake kam ka·aniko nirorogen aro ian chu·gimik namdaparoroani kamniba bak ong·egen. BMWM-ko dal·roroatanide somoi gitasa ong·gen aro ian bio-medical waste-ni baririkrikanio pangchakgen. Iako dakmitingo, BMWM-o da·o ja·rikenggipa bewalrang jeon kenchakna nanggnigipa bosturangko a·ako tu·e cho·e gope galanirang, mata·bu·na kragipa bosturangko ong·a bewalo galanirang, chi dakgipa bosturang ba samrangko nalarang gita wate galna skang sam satchenganirang jean ma·mongni dakna·ka·na aro ja·rikna nanggnirango pangchake ong·engachim ukoba ja·rikgen. A·dokni bostu breani bewalko ja·rikenba mercury gnanggipa bosturangko breaniko ka·sne ka·sne bon·atorrogen. Unbaksanaba, kenbegnigipa aro a·sel sokgnigiparangara mongsongbate sanchakani biaprangko tariaoni ba taridaproroanirangoni

ong·a aro ianon rikani-tariaoni ong·katgipa jabolrang, a·dimu, gam·anirang, lubricant aro to-rang, aro diesel generator-rangoni ong·katgipa wal·kurang ong·a. Iarangara chel·grikgipa biaprango ong·a aro iarangko ESMC-o on·gimin gita chel·chakani cholrangko dakgen. Miksonggipa HCF-o jakkaltaitaina man·gipa bil ba bijolirangko, jekai solar light, jakkalanichi iarango bang·bea namgnirangba gnan. Indaken, project-ni chu·sokanganiko nina gita skanggipa ja dok-o GHG baseline study-ko dakna miksongenga.

Ge chikungoni ge dok World Bank Environment and Social Standards (ESSs) rangko ia project baksa “apsananga” ine chana. Apsananggipa E&S standard-rangara: ESS1 – Assessment and Management of Environmental and Social risks and Impacts, ESS2 – Labor and Working Conditions, ESS3 – Resource Efficiency and Pollution Prevention and Management, ESS4 – Community Health and Safety, ESS7 – Indigenous Peoples/Sub-Saharan African Historically Underserved Traditional Local Communities aro ESS10 – Stakeholder Engagement and Information Disclosure.

Ia ESMF chu·gimik ong·a aro project-ni pilak nangchongmotgipa bakrangko nirokaniko aro songsalna kenchakna nanggnirangko chel·chakaniko man·gopa. Ia ESMF-o a·song/a·dokrangni ain aro pangchakaniko rikaniko poraigimin gnan, wilwilao donggipa a·a·chi aro songni da·o ong·enggipa obostarang, subproject-rangoni ong·katgipa ken·chakna nanggnirangko gadangni kri tarie donani, ong·a bewalo kam ka·anirang, kam ka·enggipa agency-rangni chel·chakgrike kam ka·anirang aro subproject-rangni namroroanina kam ka·ani bewalrangkoba on·a, aro apalbegipa Environmental and Social Management Plan-rang (ESMP), World Bank-ni Environment and Social Framework (ESP)-ni gita pangchake Bio-Medical Waste Management Plan (BMWMP) ko tarianio dakchakaniko on·ani. Iano talatgimin SEP gnan aro E&S risk management-na nanggipa pangchakanirangko talata, unbaksanaba changgipa sapgipa manderangko nangani aro changa sapaniko bariatana chanchisamsoanirangba gnan. EMSF-o Grievance Redress Mechanism-koba manchapa aro iano COVID-19 ni bidingo bang·bea dakna-kana aro ja·rikna nanggnirangba gnan.